



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**Odluka**  
**o pokretanju postupka prodaje transportnih kutija/sanduka u vlasništvu Grada Sarajeva**  
**putem javnog nadmetanja – licitacije**  
**(Prijedlog)**

**Predlagač:** Gradonačelnica  
**Obrađivač:** Stručna služba za poslove kabineta  
i poslove Gradske uprave

**Sarajevo, septembar 2023. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** [gsgv@sarajevo.ba](mailto:gsgv@sarajevo.ba)  
**Web:** [gradskovijece.sarajevo.ba](http://gradskovijece.sarajevo.ba)



Na osnovu člana 31. stav (1) tačka b) i k) i člana 76. Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva na \_\_. sjednici održanoj dana \_\_. \_\_. 2023. godine, donijelo je:

**(Prijedlog)**

**Odluku  
o pokretanju postupka prodaje transportnih kutija/sanduka u vlasništvu Grada Sarajeva  
putem javnog nadmetanja – licitacije**

**Član 1.  
(Predmet)**

Ovom odlukom pokreće se postupak prodaje 107 transportnih kutija/sanduka u vlasništvu Grada Sarajeva, sljedećih karakteristika:

Rb.	Opis	Materijal	Dimenzije u cm	Količina	Tržišna vrijednost kutija/procjena sudskog vještaka		
					Cijena bez PDV-a	Vrijednost bez PDV-a	Vrijednost s PDV-om
1.	Kutija 1	Šperploča 10 mm debljine	250 x 200 x 50	28	506,50	14.182,00	16.592,94
2.	Kutija 2	Šperploča 10 mm debljine	140 x 100 x 50	27	299,80	8.094,60	9.470,68
3.	Kutija 3	Šperploča 10 mm debljine	100 x 100 x 100	19	318,00	6.042,00	7.069,14
4.	Kutija 4	Šperploča 10 mm debljine	160 x 70 x 70	16	299,80	4.796,80	5.612,26
5.	Kutija 5	Šperploča 10 mm debljine	50 x 50 x 50	17	147,70	2.510,90	2.937,75
UKUPNO				107		35.626,30	41.682,77

**Član 2.  
(Način prodaje)**

Postupak prodaje transportnih kutija/sanduka iz člana 1. ove odluke vršit će se putem javnog nadmetanja – licitacije, nakon objave u dnevnom listu i web stranici Grada Sarajeva.

**Član 3.**

**(Davanje ovlaštenja)**

Ovlašćuje se gradonačelnica Grada Sarajeva da putem Gradske službe za opću upravu i zajedničke poslove – Odsjek za zajedničke poslove, pripremi i provede postupak iz člana 2. ove odluke.

**Član 4.**

**(Stupanje na snagu)**

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVALJUĆI GRADSKOG VIJEĆA**

**Jasmin Ademović**

Broj:

Sarajevo, \_\_. \_\_. 2023. godine

## OBRAZLOŽENJE

### PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisana nadležnost Gradskog vijeća da donosi odluke, druge propise i opće akte i daje njihovo tumačenje i tački k) da upravlja i raspoláže imovinom Grada Sarajeva, te članu 76. Statuta Grada Sarajeva („Službene novine Kantona Sarajevo“, broj 7/23) kojim je propisano da imovinu Grada čine pokretna i nepokretna imovina, a da se imovinom smatraju stvari, prava i novčana sredstva stečena kupovinom ili na drugi način u sklad sa zakonom.

### RAZLOZI DONOŠENJA

Grad Sarajevo je putem nadležne Gradske službe za potrebe umjetničke instalacije Muzeja ARS AEVI Sarajevo, Odlukom broj: 01/04-14-5763/18 od 06.11.2018. godine, pokrenuo postupak javne nabavke „Nabavka 107 transportnih kutija/sanduka za umjetničke instalacije u Muzeju ARS AEVI Sarajevo“ putem Konkurentskog zahtjeva.

Po okončanju postupka sa izabranim ponuđačem MIGROS d.o.o. Sarajevo, zaključen je Ugovor o nabavci 107 transportnih kutija/sanduka za umjetničke instalacije u Muzeju ARS AEVI Sarajevo, broj: 01/04-14-5763-6/18 od 29.05.2019. godine, nakon čega je u skladu sa odredbama navedenog ugovora, dobavljač kupcu u prostorije Muzeja ARS AEVI – depo Skenderija isporučio 107 transportnih kutija/sanduka.

Dana 26.05.2023. godine JU „Gradski muzeji“ Sarajevo, dopisom broj: 01-14-156/23, obratila se sa prijedlogom da se kutije za transport umjetničkih dijela Kolekcije Ars Aevi, nabavljenih od strane Grada Sarajeva, putem javnog tendera za potrebe umjetničke instalacije u Muzeju savremene umjetnosti Ars Aevi, putem licitacije ili nekog drugog vida davanja na korištenje, ustupe drugom korisniku, iz razloga što se iste više ne mogu čuvati u prostorijama Depoa Gradske vijećnice koji je bio dat na korištenje JU „Gradski Muzeji“ Sarajevo, Muzej savremene umjetnosti Ars Aevi, kao i zbog toga što kutije nisu dostatne za prijevoz umjetničkih dijela, te se kao takve ne mogu koristiti. Obzirom na problem smještaja navedenih kutija, iste su izmještene u prostorije JP „Olimpijski bazen Otoka“ gdje se i trenutno nalaze.

Za potrebe provođenja i pripremanja postupka prodaje transportnih kutija/sanduka, te s tim u vezi vršenja procjene tržišne vrijednosti istih, a u cilju pripreme ove odluke, angažovan je stalni sudski vještak ekonomske struke Damir Ablaković koji je dana 19.07.2023. godine dostavio svoj nalaz i mišljenje.

Shodno naprijed navedenom, a postupajući u skladu sa članom 76. Statuta Grada Sarajeva, Gradsko vijeće Grada Sarajeva donijelo je ovu odluku.

### FINANSIJSKA SREDSTVA

Finansijska sredstva za realizaciju Odluke obezbjeđuju se u Budžetu Grada Sarajeva.